

小倉山房詩集

新式
標點
足本
隨園全集

杜就田署



小倉山房詩集 卷十二 丙子

許滄亭觀察亡逾年矣家不戒於火
還樞南郊孟亭太守招同人載酒

爲安其靈

一孟麥飯出南門，都是遼園舊酒人。
引籬夏候無客不沾巾。生前華屋花長閉，城外清明鬼
亦春。腸斷江頭王武子，黃公墟下說音塵。

過錫山訪嵇少宰不值

夙別春風意惘然，一朝船到戟門前。
尋處紅樹留人有晚烟，想戴豐貂采靈藥，可留餘夢入
鈞天。輸公色養真清絕，菽水名山第二泉。
歲駐山陽，團扇題詩寄數行。細雨吹燈春夢遠，嬌鶯啼

月落花涼。當時燕子棲華屋，此日閒雲過草堂。愁見絳
帷盧子幹，季長絲髮已蒼浪。

引鳳曲（有序）

庚午秋，余避瘴蘇州，或繩張校書女閨獨絕，嘲
之，則擁髻疑立，妙倩流靡，自言小字阿鳳，生十九年。
迎歸秋齋，隨郎轉側。亡何，鴛母來歸，歸淚潸潸下。問
欲留乎，不答。問「他郎何以不如是」，亦不答。贈赤
側袖中，色然而拒，恥作河間嬈女。既別，不知所往。今
年春，余再過吳，鄭叟者，指天台山有桃花，不知劉阮
故舊雨。既見，各齒擊曰：「是也！」喜且悲。誦前詩，略
皆上口。少選，屏人曰：「能爲妾道地者君也。肯畜鳳
耶？當以傳婢禮見。肯好鳳耶？當以女弟禮見。人壽幾
何？君忍一再誤耶？」余書楚人稱媚調之鳳，無奈何。

乾笑再拜。適故人劉魯元趙文山官其地，而秀才戴右麟有下達之託。訟言其故，管寄覯逐之。六月九日，執燭前馬，婚於戴氏。余讀會真記，常怪微之悔過有不終之恨，然則如余之以不終終之者，較於微之當何如也？作引鳳曲一章。

姑蘇城外三春水，年年生長如花女。牛渚磯邊臨汝郎，泛水尋花狂不已。乾隆庚午六月初，長陵小市駕輕車，迎來絳樹花同笑。比到珠圍玉不如，雙瞳剪水鬢橫雲。千螺羅衫百鳥裙，才共旗亭題畫壁，更隨深巷駐雕輪。自言家住橫塘口，都知錄事聲名久。彈箏慣唱小秦王，舞袖能翻大垂手。但看釵頭玉鳳凰，兒家名字君知否？二八芳年嫁校童，浮花浪蕊日西東。蕉葉有心空捲雨，楊枝無力自隨風。一朝曲被周郎顧，碧鸞尾接銀河灣。願作銜泥梁上燕，休教落月烏啼樹。碧玉回身抱滿懷，可憐金玦易離開。門前阿母香車至，坐上啼痕滿面來。此時無力唱回波，此際情深可奈何？不學丁娘索絮，翹不封朱帛寄櫻桃。只留一把相思淚，當作珍珠兩

處拋。明朝重過碧雞坊，銀漢紅牆事渺茫。青鳥信沉劉禹錫，碧天腸斷冷朝陽。十年阿軟重相見，桃花淡靨如人面。雲雨襄王憶夢中，王珉舊手存團扇。說到淪桑我欲愁，蕭郎萬里走涼州。往日館娃餘蔓草，新添小婢學梳頭。殷勤若把三生託，惜花爭忍看花落。振鐫竭皇煉石心，難禁子夜連珠諾。定情代看水晶盤，嫁女無如戴叔鸞。下託長官劉子翼，上求太守白香山。昔日鴛鴦今鴛鳥，蓮花度出污泥早。換羽移宮總是春，將姝改妹知誰好？閨門萬口說因緣，紅豆金竿播管絃。劍鑿龍淵雷拔地，珠升滄海月當天。惆悵當年范大夫，西施網得贈東吳。今朝位置傾城舉，明日扁舟泛五湖。

爲王壽峯題問天圖做玉川體

我聞秦宓言，蒼天實有耳。胡爲楚大夫，問天天不理？三千年後王郎來，拔劍斫地顛如雷。口存三寸不爛舌，仰首只望天門開。更有青雷子下筆，巧安排，畫作奇峯直上離尺五。儼然漢武皇帝通天臺，手攀星辰呼帝

座，笑殺赤章道士胡爲哉？一部十七史，欲問問何處？且摘疑端三兩行，請風吹入雲中去。一牛享天天豈飽，鼯鼠食之不知惱。潮退偏教虜馬來，風起猶嫌殺人少。試問謐之如何箋，歐公如何考？夏后善逢迎，三嬪獻自天。雨陽悉憑應，上公霹靂怕逢薛孤延。昂然操懿來配享，文王后稷退避不敢前。又何必重黎爲隔絕，黔嬴爲周旋？臣請手斬九關豹，身推阿香車。白榆燒作玉樓墨，銀河洗盡筆底花。三十六皇各獻狀，羣疑滿腹願情麻。姑爬倘有調語問外錯，請將臣身賜喂金蝦蟆。帝臺浮觴百神方醉，忽聞讒言，翾翾如畏，誹號噴雨立六鑿，含星對道是問天天不答，只恐萬年之後倚杵低蹇人。上天都來爭此位，天帝面方一尺有慚色，乃召孔子謀。孔子口稱不怨天，恰呼喪子兩淚流，且釣鯉魚逃魯州。更召周公來，命代天致詞，衆人又言周公天妹所生天有私，故把風雷驚破孺子疑，不然剪爪沉河事已矣。至今空自聽鶡鴒，周公聞之只得啾啾陰鳴如蒙俱。正在支吾間，忽有褒衣博冠者，自稱唐臣柳宗元，代天作對大書。

空道天者乃是太虛之積氣，難捫難抵青濛濛。雨師風伯傀儡耳，木強柴立隨癡龍。奉行第一次，混沌開闢所有之故事，有如優人演劇不能小變通。一切聖狂禍福風災鬼難各色目，均是聚六州鐵，鎔赤堇，鑄成一冊作交代，使玉帝搖手不得而後許登庸。並非三科五行有生剋，亦非天道幽遠如張弓，並非仙丹佛力能換轉，亦非真宰忽醉忽明聰。惟其事原板板，故其形常夢夢，君不見王莽請雷不能下，魯陽揮日何曾東。侵削龍伯不見短，吹噓火井何曾紅。又不見石補勞女媧，頭觸怒其工，星隕驚梓慎，月蝕愁盧仝。自從開闢至堯舜，鑿九業已減至一分許，何況四千年來減未終？自家三百六十五度難料理，那管人間乾啼濕哭諸沙蟲？可笑世界海，妄窺靜輪宮，枉剝麒麟皮，郊鼓擊逢逢。碧天若有情，早已老成翁。太陽若下坐，何以燭蒼穹？譬如治家者，尙且學痴聾。偶遺食餌魚鳥喜，偶覆湯火螻蟻凶。只緣人大物小難檢校，人實無心任過功。何況天關鑰匙藏在烟霄上，清風一重雲一重，赤縣神州九九八十一萬計，

中國渺小如蟻蟻。提向瀛洲賣，不值錢半通。那能刻雕省記勞化工？汝何不解天醵飲，天酒逍遙富嬉游。戲星童任黃鍾之變，南曾聽剛須之生元蟲。胡爲乎學楚狂呵壁，臂焦舌，徒驚明月而惱春風。王郎聞之心悶悶，姑學聖人存不論。且待十二萬年之後，全局終再與徹底通盤作一問。

過蘇州贈莊容可大中丞

朝天聞說改巾車，芳草萋萋梅熟初。舊雨正停青雀舫，新恩剛賜紫泥書。談深半夜甄長伯，學重明時陸敬輿。宸翰相期何以報，爲公一讀一歎歎。牙旗紅閃夕陽明，許住南樓各亦清。樞子花開春四面，女兒香暗月三更。心知海甸哀鴻色，腸闋門打麥聲。笑索官倉一囊粟，故人今已是蒼生。隨園往歲駐征驂，葉葉芙蓉露正酣。同把科名憶年少，各分吏隱占江南。看山妬我三間屋，出拜輸公九歲男。廿載韶光風過眼，雲龍角逐尚龍蟠。相逢花下一題襟，買棹橫塘作越

吟。春酒玉堂天上夢，清明遊子故鄉心。人間努力留遺愛，世外閒鷗聽好音。莫忘棲霞山畔路，碧雲紅葉共幽尋。

還武林出城作

還鄉重出武林城，天放湖光半日晴。翠鳥衝煙飛雨後，花枝當路滿山行。采桑人少蠶猶小，街尾魚多水正清。三十年前舊遊處，荒橋野店總關情。屢問前溪路，幾重故鄉翻與異鄉同。行人肩出菜花上，村女臂彎桑影中。兩岸茶青三月暮，一絲髮白萬懷空。傷心怕說南唐寺，他日僧歸塔可紅。

過葵巷舊宅

久將桑梓當龍荒，舊宅重過感倍長。夢裏烟波垂釣處，兒時燈火讀書堂。難忘弟妹同嬉戲，欲問鄰翁半死亡。二十三年多少事，幾間茅屋自斜陽。

將歸白下別莊大中丞

閒雲偶過玉闌干，曾費華堂兩頓餐。今日春歸儂亦別，新花牆上小船看。朱履平拖柴戟前，江湖道術兩悠然。不存半點雲泥迹，恐把初心愧昔賢。杜甫潭西久寂寥，滄浪亭上兩回潮。花間不唱高軒過，知有憂民病未消。連宵風雨滯春寒，不特花殘客也殘。賦別江淹留贈語，得君容易得民難。

歸舟回泊錫山喜晤拙修少宰別後

却寄四十韻

小隱哀臨汝，遺榮賀季真。相逢端午節，一笑惠山春。巢燕難忘主，馴猿尚號賓。廿年燈火夢，萬里別離身。杜鄴兒從學，林宗雨折巾。慚非千里馬，曾遇九方歎。適館懸方榻，移齋近紫宸。書聲槐市聽，經義禮堂陳。地煖花能發，風高翼各振。有緣通世好，無分接清塵。賤子南

征日，先生珥筆辰。飛觴澆末吏，分俸潤行人。碧海翔孤鳳，空江走弱鱗。公才懷謝朓，舊手失王筠。沙坂霜蹄駿，鹽車獨角麟。憶雲泥有意，犯斗路迷津。再踏天街雪，重污相府肉。巖巖臣面改，奕奕獸頭新。分嗣衣辭褐，司農手算縑。李膺方接席，不豹又投秦。讀禮車仍返，還山手更龜。萱堂高甲子，松影守庚申。往歲黃河決，勞公赤鳥巡。新詩團扇贈，舊雨點心頻。渺渺瑤華信，飄飄弱水輪。還朝歌瓠子，贊化佐洪鈞。爲奉潘安母，歸尋張翰尊。江天揮白羽，腰帶解黃銀。春水潮痕闊，沙堤草色勻。兒時思釣弋，膝下問羞珍。觀樂應欹帽，披貂更采蘋。鶯花歸哲匠，風月識宗臣。笑我爲殘客，先公作逸民。四旬雙鬢雪，百歲兩家親。飲水知官味，尋春忘旅貧。可能稱幸草，差免蒸勞薪。逝水傷陳迹，知交感宿因。笑童情宛宛，弟子禮恂恂。半醉辭華屋，深秋望釣輪。何時宋季雅，千萬買芳鄰。

謝趙黎村徵君治病即以送別

當時同日賦長楊，廿載賓鴻過草堂。白下秋燈明舊雨，青山花影澹重陽。元方齒長居兄輩，中壘才多解祕方。剛是仲宣愁體弱，苦致秤藥累眞長。已將仙露挹靈苗，便引晨風去碧霄。活我只因緣有舊，離君轉恐病難消。秋深古道詩逾健，霜滿黃河浪不驕。倘拜東平憲王墓，爲言故吏鬢飄蕭。

出塞圖

陰山風大雪花明，匹馬沙場落日行。漢代邊聲新畫角，秦時月色古長城。春寒少婦三更怨，酒熱陽關萬里情。笑我封侯無骨相，不曾青海事功名。

病

常階飄落葉，我又臥高樓。山裏先生病，人間天地秋。雨涼蟬別樹，風緊帳嫌鉤。尙有關心問，梅花補種不。

瘧

宋玉悲秋時，趙羅瘧作候。八月乃有凶，三年拜賜又。幾疑彼瘧鬼，匪寇乃婚媾。初來頭岑岑，須臾眼黝黝。投之深淵些，屑冰剝膚腠。忽而醺鬼侯，焚煙相灼灸。襄陽水正淹，赤壁火復茂。冰炭各爭強，陰陽互掩覆。如潮不愆期，似箭必滿殼。疑賜牽機索，足前頭欲後。豈作木居士，火穿復水透。賊退氛尙惡，渙汗如激溜。牛勞喘更咭，黃鐘鳴滿脰。淚滴瓊瑰珠，夢逐南門咄。衣帶結成繩，鬚髮須鋤耨。強鉏足踟躕，考父背偃僂。臨期測日影，擊柝如何寇。望赦占災星，月蝕如待救。十輝窮既禮，六祝難詛咒。我怒呼鬼來，大聲與之哂。汝本黃帝孫，暴虐乃勝紂。景丹古壯士，爾已往柯疚。少陵昔詩人，三載爾不宥。有意病君子，吾將上帝奏。逐汝伴刑天，驅汝出狗竇。靈湫書鬼名，空青摘鬼宿。鬼乃跪陳詞，公言殊賢賈。予來爲公迎，予去爲公留。園中風如刀，公獨披襟受池中。月如霜，公帆方曳繻。快意禍機積，放懷余毒厚。匪獨此之由，求治亦太驟。一年二豎來，褚髯最地謬。柳條大金丹，難進如米豆。逐虎而閉門，倒戈以自鬪。陰血遂狡僂，

發癰僂宿瘤。一年小作惡。呂醫亦荏陋。浮脉更升提。心
 關聞血氣。非鬼亦非疾。誰則任其咎。公愛讀史書。奚不
 覽宇宙。漢祖與唐宗。大綱憑魚淵。甯無水旱災。元氣仍
 交姤。建元久。視年科條漸。輻輳桑孔法。錙銖。周來禍結
 構。添眉混沌醜。抵糠雞犬瘦。身世將毋同。公胡勿參究。
 古帝有人皇。三萬八千壽。其後神農來。草根殺老幼。屈
 鵠淵。齊嬰。妻子避左右。醫師屬家宰。十全更罕覯。瘡鬼
 雖俯張。病人不病。獸況公無膏肓。寒暑亦邂逅。既來莫
 天關。未來莫俯就。勿吞棘刺丸。勿恃春秋富。新牡謹遊
 房。大夫祀中霽。示吾杜德機。吾去敢留逗。願公如伯夷。
 念惡勿念舊。毋學蜀市人。天皇滿背錢。更願如石虔。聞
 名鬼已走。毋學高將軍。功臣閣上伏。予聞意恍然。如搗
 浮邱袖。幽宗夜九拜。朝霞日三嗽。逐醫不逐鬼。散藥如
 散臭。慎以代昌陽。和以爲甲冑。看花喚都兒。伐木課辛
 秀。悠悠紅霞囀。坦坦青陽皦。上壽何敢期。中醫請永守。

五人墓

冤雲四垂風莽莽。銀鑄鐵鎖閤門響。閤門側目耳
 向天。天語不聞聞東廠。東廠逮者周先生。人不識面聞
 其名。九重天子詔安在。阿儂此處難橫行。李陽老拳一
 揮臂。萬手如星撒平地。破柱難探逆豎頭。披枝且奪元
 兇氣。萬人散盡五人存。顏馬周楊市井民。戴頭笑見高
 皇帝。干卿何事徒紛紛。從此緹騎不敢狂。九千歲事旋
 消亡。收回七首知何限。抵得彈章更幾行。君不見漢孫
 斌。奮拳格殺單超吏。竟救與先徙朔方。又不見唐王五
 上陽宮裏相扶將。不與何福同其殃。當時高冠若箕數
 十輩。子姓跪起如奴忙。豈無麒麟三丈護華表。早已滿
 沃蹲牛羊。何人肯奠酒與漿。五墳壘壘春淒淒。三月草
 長蝴蝶飛。可惜梁鴻生太早。只知穿冢傍要離。

即事

三尺清溝手自開。引他流水自西來。明知東去留
 難住。且在儂家過一回。聽來鳥尚佳音少。想見詩
 吟好句難。戲把桃花吹落者。玉盤盛著當春看。

自嘲

苦被詩書管，常疑身影漫。印食三面刻，墨債兩頭磨。學老先扶杖，辭官早長轡。賓朋名屢忘，偏記古人多。

歸舟作

姑蘇買舟日下行，柳枝相送桃根迎。三日勾留未出城，一夜春潮打船尾。交頸鴛鴦宿被底，行盡江南三百里。篙師呼酒我品茶，休驚休喜休嘆嗟。順風逆風總到家。

寓日即書

得失人休惱塞翁，憑欄不覺笑東風。蜘蛛自道張羅巧，網得飛花誤當蟲。

韓昌黎孫袞中狀元而世人不知詠

之寄慰魚門落第

韓門曾有狀元郎，底事無人說短長。想見世間公道事，不將科第當文章。

水軒主人招飲月下作

江城秋在酒人家，酒對秋光興倍加。風定竹呈千个字，霜高梅孕一身花。紅鞭攜出天山雪，紫菊排成錦帳霞。半夜風燈送行客，滿牆醉影尚欹斜。

答孟亭訊梅

寒梅初種後，曾與故人期。待放一林雪，各吟千首詩。忽來連夜雨，凍斷早春枝。自是花渝約，非關沽酒遲。

小倉山房詩集 卷十三 丁丑

聞叔度少宰復命軍營寄懷一首

昔者隨陸不能武，今見終軍能繫虜。萬里馳歸草
萊箋，白門夾道看裘五。裘五裘五貧賤交，長安市上同
遊遨。一朝攸身青雲上，華嶽峯高少依傍。人驚儒者亦
知兵，我怪西江還出將。聖朝神武滅昌市，鼻窮會遠
遁藏。馬謖已誅君，魏死朝廷未免憂。邊防侍郎慷慨臣
請行，十奏九台軍中情。王修侍從解機變，崔浩胸中盡
甲兵。繡衣玉斧南薰殿，詔許千官設華餞。視解金袍賜
狄公，戎裝強換書生面。一路龍沙持綵旆，交河馬踏層
冰裂。刁斗聲飛瀚海雲，刀光涼。天山雪。元帥靴邊問
主安，三軍傾耳聽籌策。屈指襄陽首可傳，班超生入玉
門闕。拔將銅柱全收，獻得金人好祭天。南少婦寄
征袍，堂上萱花露正高。誰知天外揮長劍，依舊歸心折

大刀男兒讀史長嘆息，貂蟬每借兜鍪力。健士奚須枉
拍張，詞臣已見歌勅勒。大恩朝夕下明堂，縱矢彤弓寵
未央。聽說阜陽女兒隊，添唱從軍樂府章。

做劍南小體詩

春日山居事宜，閉門行樂少人知。亭移舊料功
成早，樹換新泥葉落遲。禿筆管仍裝墮尾，斷琴絃更
淘花枝。小來悟得忘名意，除却風懷不詠詩。春影離
離過畫廊，送春人與蝶俱忙。歌聲隔苑聽尤好，花氣隨
風到始香。稚女鳴環爭白紵，旁妻燭忿種青棠。消除長
日知何事，只有傾心美索郎。朝烟暮雨倦登臨，閒
倚危樓憶古今。螻蟻尚存封建法，園棋時見井田心。山
花受月紅成白，池水如人淺不深。中散春愁無著處，幽
蘭開處去彈琴。

題李後主百尺樓

黃花水小雨潺湲，南國樓臺夕照間。如此長江被
量去，當年還唱念家山。檀槽金屑小琵琶，姊妹承
恩似趙家。聽到流珠歌舊曲，一時腸斷六宮花。
保
饑不愧女村如，手掌牙籤萬萬餘。爭奈焚如學蕭繹，國
亡遷怒到圖書。草草南朝一夢過，潺潺春雨奈愁
何。官家賴有重瞳子，洗而終朝眼淚多。樂號牽機
出禁宮，此人又似不相容。檀來歌罷江山穩，只合全家
哭世宗。六道戈船出上游，香孩兒太不風流。關心
臥榻野聲地，轉忘燕雲十六州。金字心經手自焚，
命燈竿斷九霄雲。無情最是西天佛，送過蕭梁又送君。
千年故國水雲涼，樂府歌殘曲數行。父老營齋妃
薦福，何如文士弔斜陽。

舟中作

有雨行偏速，無江渡轉難。行藏須自主，莫認相風

竿。

喜晤同年程聘三少司馬

揚州斜日白門烟，兩度班荆意黯然。司馬宦情談
酒後，故人顏色老江邊。應劉同調升沉異，元白無兒彼
此憐。努力青宮勤啓沃，斥蒿風味繼前賢。

贈沈南蘋畫師（有序）

吳興沈南蘋，畫名藉甚雍正間。日本國王持倭
牌聘往，居其國三年，授弟子若干。老病辭歸，國王況
施累萬。同舟人受簿錄之累，南蘋傾所有以償，至家
竟不名一錢。

東陽隱侯畫筆好，聲名太犬九州小。片紙能開異
國春，鶴書遠貢東夷島。東夷之國日本強，皆唐書畫多
收藏。倭人字乞蕭夫子，行賈詩歌白侍郎。將軍重幣聘
高賢，高士乘舟去若仙。眼驚紅日初生處，畫到中華以
外天。天風吹下三千里，行盡魚頭見魚尾。斫取扶桑作

管城揮毫更進羊皮紙。紫貝千箋國主恩。鮫珠十斛門
生禮。蠅頭屏風墨禾乾。方諸拾淚寫牛欄。奇花增入宣
和譜。怪石常橫粉本看。三年重作還鄉夢。侏儻僥倖歌
相送。金摩蕭雲行李遲。船因陸賈歸裝重。同舟人欠水
衡錢。羽化銀杯意灑然。元振萬金揮手盡。長康廚內空
雲烟。歸家身世兩蕭條。流落江湖酒一瓢。遊子青衫餘
兩袖。畫師白髮老三朝。人生意境何偈仄。盛名坎壈如
一轍。但使文傳黑水碑。奚須家住黃金穴。春來日日烏
船通。猶道夷王遣問恭。七十二島依然在。只隔人間海
一重。

題陳古漁詩卷

新詩一卷勝方干。當作楞伽靜夜看。孔翠屏開花
爛漫。清商琴老調高寒。地當六代悲歌易。胸有千秋下
筆難。我學王戎留贈語。森森更願束長竿。

王卿華輓辭

諱復旦。杭州人。丙辰孝廉。侍御公文潛之子。會
試不第。縊死。長安。

琅琊公子少年日。平康意氣東阿筆。玉貌朝看驚
嶺雲。金鞭夜醉西湖月。西湖有客正垂髫。杵臼相逢邊
定交。雙聲笑徹烟霄上。把袂詩歌碧樹高。蕭郎騎馬走
京華。公子秋風桂亦花。此際烟波人萬里。此時別緒字
如麻。流星馬遞泥金紙。大父懷呼阿父喜。寸厚家書拆
忽驚。當頭只說袁才子。袁安躡蹻撲燕塵。乞火先投御
史門。鴻博已傳韓愈罷。棲身誰念趙岐貧。果然屋好鳥
亦好。先把牛心啖逸少。延譽真同許子將。少年我愧蕭
淵藻。大被常教氣類親。風懷共取明燈照。朝朝索米向
長安。身賤由來作客難。子鵝殘疾垂涎處。苦賜鷗桑幾
頓餐。可憐客路暫逢君。君又還家我失羣。借馬送行秋
夜月。含愁極目楚天雲。曾將阮籍窮途淚。痛洒羊欣白
練裙。明年身忝到蓬萊。聽馬門前玉笛哀。華屋誰知一
朝變。滄桑從此萬重來。八十封翁扶櫬歸。孤兒一隊繞
船悲。鍾君阿鰲無人嫁。仲鄧烏臺有雀飛。王郎再應公

車試，往日繁華如隔世。落第羞看紅杏花，還鄉怕挽青絲轡。誰云生死見交情，任盼兒郎局已成。不學王孫依鮑氏，甘心慶父抗繯經。三更孤燕空梁塵，萬里書燈鬼火青。城南婦作刀頭夢，易水風吹變徵聲。白骨天涯蔓草寒，招魂誰唱念家山。回頭酒綠燈紅事，盡作輕塵短夢看。記儂奔走江南道，兩度逢君覺君老。路遠偏教得信遲，官卑祇恨酬恩少。二十年來鬢未霜，哭君三世淚沾裳。寢門一奠知何日，金谷園空宿草荒。

哭沈補蘿

八法書亡索幼，蘭亭雖在酒壚寒。欲知太古先看面，從未朝天儘作官。垂死交情秋握手，半生家難老傳餐。誰云遺墨千年貴，我是同時得已難。傷心張耳鬢如絲，曾見夷門大會時。四海蒼英今日盡，三朝遺事夕陽知。風摧漢代靈光殿，名重蕭梁老婢師。最晚逢君偏早別，淚痕空灑白楊枝。

題故人畫(有序)

晴江明府畫梅絕奇，恒化後人。藏者輒屬予加墨。以晴江之好予也，再來參戎，與晴江同姓甚懽。丙子秋，引例來請，值予病瘧，度置高閣，主人疑予忘之矣。今年夏五展卷，見梅花如見宿草，與其上求巫陽，不若招魂于紙上。爲書一律，質生者，質死者，并質之梅花。

幾番怕見晴江畫，今日重看淚又傾。十四幅梅春萬點，一千年事鶴三更。高人魂過山河冷，上界花歸筆墨清。聽說根盤共仙李，暗香疎影盡交情。

春草

江城三月草烟綿，有客憑闌感歲年。雪後人歸春滿地，馬頭風起影搖天。清明細雨長亭路，畫角斜陽南浦船。欲采蘼蕪歌水調，幾回愁過大隄邊。誰家牧笛下牛羊，踏到襄城舉國狂。一片綠成蝴蝶路，幾叢眠

作酒人牀。印來羅襪春痕軟；望去腰裙別恨長。記得斑
駝嘶暮雨，青袍今已誤蕭郎。黃鸝一曲豔陽歌，撩
亂春愁起碧波。寂寂烏啼新院落，萋萋人感舊山河。根
高自占風雲早，物賤偏沾雨露多。莫怪已荏生轉密，此
身原要託烟蘿。玉鉤斜月冷黃鸝，渺渺寒蕪夕照
西。青入窮沙頻歷日，繡完平野失春泥。三生蓬海騷人
老，六代雲山燕子低。說與東風合惆悵，剪刀雖好葉難
齊。十二瑤塔也託根，野心只是厭紅塵。開花自笑
無名字，采藥時逢有異人。恍惚池塘尋舊夢，分明書帶
認前身。年來似勘天桃隱，遮住漁郎不問津。栽培
不仗主人翁，自空斜陽白偃風。空苑儘教隨意綠，落花
借與滿身紅。千般甘苦嘗難盡，一局輸贏鬪易終。我欲
踏詩何處好，琴河西畔板橋東。

詠錢

誰開九府製泉刀？從此黃標又紫標。千古帝王留
字去，萬般人事讓兄驕。椒房手迹傳唐代，堯廟碑陰記

漢朝。莫說仙家最清冷，也須金液上丹霄。不須徵
藏說高風，到底夷齊是命窮。剪紙賄能通鬼國，博泉天
尚借劉翁。杖頭有處春堪買，坐上無時酒欲空。怎怪南
唐癡長老，心經一卷寫當中。人生薪水尋常事，勸
輒煩君我亦愁。解用何嘗非俊物，不談未必定清流。空
勞姪女千回數，屢見銅山一夕休。疑把婆心向天奏，九
州添設富民侯。牙籌且莫惱王戎，本草嘗來味果
濃。五福富登洪範傳，六官人愛大司農。分明輪廓無方
寸，頃刻風波有萬重。怪我緣慳君欲去，祇須臨別少從
容。五銖衣薄稱閒身，綰罷銅符早閉門。萬選儘憑
詞賦力，半文不受祖宗恩。搖空撲滿心原淡，獨飲廉泉
體自尊。記得清明分白打，開元兩字最消魂。風吹
荇葉滿池斜，老去持籌敢自夸。早買名山非壘斷，不騎
仙鶴也豪華。富徒墜守貧何異，來得分明去亦嘉。我有
青蚨飛處好，半尋烟水半尋花。

錢稼軒少司空奉命棲霞畫山過訪

隨園

司空工作畫，聖主教看山。感舊懷殘客，穿雲到此間。高軒紅雨染空谷，白駒閒帶我烟霞去。仍歸侍從班。

梅雨

梅子黃時雨，潺潺最不同。慣來人意外，偏灑日光中。滑徑愁芒屨，空堂躍水蟲。采蓮差可喜，處處畫船通。

題柳如是畫像

生綃一幅紅妝影，玉貌珠冠方纈領。眼波如月照人間，欲奪鸞鏡須絕頂。懷刺黃門悔誤投，遺珠草草尙書收。黨人碑上無雙士，夫婿班中第二流。絳雲樓閣起三層，紅豆花枝枯復生。斑管自稱詩弟子，佛香同事古先生。勾欄院大朝廷小，紅粉情多青史輕。扁舟同過黃天蕩，梁家有个青樓樣。金鼓親提妾亦能，爭奈江南不出將。一朝九廟烟塵起，手握刀繩勸公死。百年此際盡

歸乎萬論從今都定矣！可惜尙書壽正長，丹青讓與柳枝娘！

靜坐

靜坐西溪上，春風白日斜。吹來香氣雜，不辨是何花？

寄徵士薛一瓢

南海有隱士，疑是青城君。道姓稱黃石，問家指白雲。精心通九略，逸氣橫三軍。棄其孫與子，孤處空江濱。獨攜天台女，飄飄金霞裙。梅花開玉杯，衆仙時一醺。我亦風其間，芳訊聞氤氳。無端自謫落，從茲仙凡分。風車不可馭，元理無由聞。何時青鳥來，同驂鸞鶴羣？

妹夫胡書巢作宰什方遠貽川絹感

而成詠用答高情

一紙家書萬里情，八年人老杜鵑聲。胡威贈絹知
好；薛女題箋想政清。署外山光雍齒廟，馬頭月色錦
官城。章莊詩集章皋業，珍重郎君蜀道行。

讀王荊公傳

青苗幾葉起風塵，孤負皁鵠自待身。底事經神有
緣法？周官偏誤姓王人。

齒痛

百年過四旬，老狀一齊赴。但願無所苦，聾盲任所
付。惟茲齒兩行，朝夕待汝哺。相鼠尚有牙，飛鳥豈無
哺？編排三十二，落落晨星布。隊缺衆乃搖，左移右不固。忽
弱一个，填起血沮洳。臨食輒三嘆，呼羣每百度。投梭
噓益悲，漱石礪如鋸。似履入門折，爲牛孺子仆。元謨眉
不伸，丞相齒屢吐。類灸十重艾，勝飲三斗醋。說士不覺
甘，名噉亦無趣。譚語便聾牙，反脣如有訴。徘徊子公指，
愁對亞夫箸。噓噓爲己占，大烹向人妬。馳騰起復行，呻

吟朝至暮。五漿三飯時，隙罅難調護。狼藉小穉穉，如入
大盈庫。已困楚人鉗，復作黨人捕。急命大老嫗，發難學
罽錯。金鑿爲戈矛，冰磨爲齧鋸。嚙嚙黃頭蟲，擒出竟無
數。客容既甚猛，尸汝猶可怖。譬如漢宦官，雖誅國已蠹。
次日嚼復嚼，痛止齧恰腐。又如買臣妻，苦留終欲去。欲
去未去間，勃谿終日怒。咄哉汝朽骨，無情心不恕。我雖
仗汝餐，汝亦得我助。弱冠啖紅綾，韶光不汝誤。有時拈
花笑，莞爾將汝露。談天吐玉屑，觀畫設寒具。似我作居
停，將子亦毋數。胡爲憎酸鹹，瓜葛全不顧。三餐自作孽，
四十已見惡。其餘編貝公，效尤更可慮。勸齒學宰相，伴
食且餐素。毋學小丈夫，悻悻不肯住。更學古君子，絕交
須念故。毋學暴富兒，登時棄瓦注。叩汝一千回，賜汝三
日醕。吾將鳴天鼓，更請黃帝鑄。

偶然作

三寸鼠鬚筆，千秋爭名家。譬如一鮓魚，而視穀百
車。參軍圖作佛，毋乃願太奢。可奈日與月，已如赴壑蛇。

傳名無竹帛，成仙無丹砂。賴此文字間，著作爲生涯。後人就知我，卑卑已可嗟。萬一再蹉跎，輪迴可恃耶？山居無所事，遁木復遁土。東聽繩繩築，西聞丁丁斧。三百有六句，所費亦難數。戚里憐我貧，切切相規阻。豈知君子心，此中固有主？未能議明堂，爲國造區宇。又無度萬間，寒士同安堵。就此蝸牛廬，結構且楚楚。起伏寓文心，疎密占隊伍。栽花如養民，建亭似開府。可惜錢刀空，英雄難用武。始知諸葛公，糧盡退軍苦。讀書不手記，一過無分毫。得句忽然忘，逐之如追逃。見書如見色，未近已心動。只恐橫陳多，後庭曠者衆。所以某日觀，手自識其腦。能著幾編履，此意亦苦惱。身無活人權，不愛溺與飢。身無動人權，莫談是與非。當時石戶農，牽羊海上遯。耿耿方寸間，隱隱萬言論。願掛衆泉壺，待儂見堯舜。顏回無宣尼，一瓢何足算。宰相三十年，雖庸有列傳。君子愛其名，名權非我擅。但看十七史，遙我者大半。太上貴道德，其次務施報。惟其本此心，所以有忠孝。快哉孔聖人，報怨稱直道。英雄萬念灰，此意終了了。矧

吾少也賤，恩仇豈云少？逝者已如斯，前途惟有老。再拜漂母祠，涕泣傷懷抱。開卷見古人，開門見今人。古入骨已朽，情性與我親。今人乃我類，嚼蠟聞語言。寧與木石居，不與俗子俱。欲見何代人，但翻何代書。平生多嗜欲，所憎惟樗蒲。酒味與絲竹，勉強相支吾。其餘玩好類，日擊心已暮。忽忽四十年，味盡返吾素。惟茲文字業，兀兀尚朝暮。晨起望書堂，身如渴猊赴。高歌古人作，心覺蛾眉妬。自問子胡然，不能言其故。憶昔垂髫年，讀書葵巷中。先生出見客，弟子儉餘工。聞客有科名，仰之如華嵩。家人多窺探，嘖嘖羨其容。於今二十年，都成可憐虫。孝廉難餬口，進士愁飄蓬。酒味減京口，米價增江東。貴爵而尚齒，吾將笑周公。東漢舉孝廉，四十方辟召。吾年正四十，自覺已衰老。問其所以然，人世嫌太早。薪勞脂易枯，刀用鋒恆少。傷哉出山時，意氣凌八表。一自識行藏，不復恥溫飽。何圖大鵬翼，化作小山草。懶惰便清高，巢由安足道。悲哉秋爲氣，草木凜若霜。我身非孤桐，逢秋如探湯。又如古塞上，訪秋羽檄忙。六年三大